

مکتبہ انجمن

❁ ادبی و سیاسی رسالہ "اسبوعیہ" در ❁

۳۱ نجی سنہ

۳۰ ذی الحجہ ۱۳۴۹

❁ پینچشنبہ ❁

جزو عدد : ۱۲۶

ملل مختلفه مجالس مبعوثانك اسملى

چينده مؤخرآ ظهور ايدرك (مانجو) خاندان حكمداري-سنگ بندان تختى لوزه دار ايدن اختلال اوزرينه طرفداران مشروطيت و حريتى تسكين مقصديله چين حكومتك حكومات مشروطه مختلفه پارلمنتورلى تقليداً (پكين) ده بر مجلس شورى تشكيل و كشاد ايلديكى معلومدر .

بومجلس عمومى چين لسانده (چو - شى - يوان) تسميه ايدلمشدر كه بونك ايله اليوم معروف بولنان پارلمنتو عنوانلرينه يڭى بر اسم علاوه ايدلمش اوليور . بومناسبتله اصول مشروطيت و مشورتى اسكيدن برى حازر اولان ويا صوڭ زمانلرده قبول ايتمش بولنان حكوماتدن بعضىلرندە مجالس تشريعيه ويران اسملى ذكر ايتك استدك :

حكومات مشروطه نك هان كافه سينده قوه تشريعيه (ما فوق - ChamIere Haute) و (مادون - ChamIere Leasse) مجالسلى عنوانيله ايكي قسمه آيريليرلر . مافوق مرتبه سنى حازر اولانلرينه كه بزده كى مجلس اعيانه مقابل بولنانلردر . (پرلر مجلسى) (سەنيورلر مجلسى) ويا (سەنا) گي اسملر و بريلير . مادون عنوان عموميسى آلتندە كى ايكنجى قسم ايسه مجلس مبعوثان ، مجلس عوام ، مجلس ممثلين ناملريله ياد اولنيرلر .

مثلا آلمانپاده ايمپراطورلغه مخصوص اولان مجلس عمومينك اعيانه مائل برنجى قسمته (بونده شترات) عنوانى و برلر كه بومجلس ايمپراطورلى تشكيل ايدن حكومات مختلفه نك مرخصلرندن مرگيدر .

ايكنجى قسم ، يعنى مجلس مبعوثان (رايخشتاغ) نامى حازدر . بوندن ماعدا

ایمپراطور لنی تشکیل ایدن حکومت مختلفه نك هر برنده (دی - یت) تعبیر اولنان مجالس مبعوثان واردر .

بروسیاده اعیان قسمته (ههررن - هاوس) و مبعوثان قسمته (لاندتاغ) نامی ویرلمشدر .

آلمانیا ده مجلس عمومینك اسمی (رایشرات) دركه ایمپراطور لاق مجلسی دیمكدر . و آیری آیری ایکی مجلسی حاویدر .

بحارستانده (مانغا) مجلسی دیرلر .

اسپانیاده و پورتوگالده مجلس اعیان ایله مبعوثانك هریکیسی (قورتس) نامیله یاد ایدیلیر .

بلغارستانده قوه تشریعیه یالگیز بر مجلسدن عبارت اولهرق (صوبرانیه) تسمیه اولنور .

رومانیا ده (Abunaré National اجتماع ملی) عنوانی آلتنده (سنا) ایله (شامبری) حاوی ایکی قسمه آیرلمشدر .

صربستان و قرمطاغ حکومتلرینك پارلمنتوسی ده کذا (اسقویچینا) عنوانی آلتنده بر مجلسدن عبارتدر .

دانیمارقه ده ایکی مجلس واردر ؛ برینك نامی (لاندستورغ) ایکنجیسینك (فولگتینگ) در .

نور وچ ده اعیان مرتبه سنده کینه (ستور تینگ) مبعوثانه (لاختینگ) اسملری ویریلیر .

اسوه چده ایکی مجلس (ریف ساغ) نام عمومیسيله یاد اولنور .

هولانده ده قوه تشریعیه نك هریکیسی ده (مجالس عمومیه) عنوانیله یاد اولنور .

ایرانه ایسه پارلمنتو ، (مجلس) و یا (دار شورای ایران) دیمكده در .

روسیه ده (Douma دوما) نامیله یاد اولنان مجلس مبعوثان ۲۱۹ اعضایی

شاملدر . و ایچلرنده یالگیز طقوزی مسلماندر . عنوان عمومی موسقوچه

شویله در : قورسؤ وارست ده نای یا (دوما) در .

ژاپون يادۀ مافوق و مادون تقسيماتى جايدرد . اولكيسسنة (پرلر) و ايكنجيسنة (روبرۀ ژانسانلر) يعنى مثلين . نامى و بريلير .

اعضاسى الف كترتلى اولان مجلس اعيان ژاپونيانك در . عموم اعضاى خاندان حكمدارينك يكرمى بش باشى كچمش ذكور قسمى ايله قونتلر ، ماركيلر ، و يقونتلردن بر جوق اعضاسى و اردر .

§

انكلتره و فرانسه و بلجيقا ايله يونان مجالس عموميه سندن بحث ايتمكه حاجت يوقدر . چونكه انكلتره مهد مشروطيت جهان ، فرانسه رهبر عموم مشروطيت پروران ، بلجيقا استقلال مشروطيتله مشار بالبنان و يونان ايسه اصول مشروطيتده كى وسعت آزادي سيله يكانۀ دوراندر .

§

بوكون حكومات عالم ايچنده اصول مشورتى قبول ايتماش اوچ حكومت قالمشدر كه برى افغانستان ، ديكرى سيام ، اوچنجيسى ده حبشستاندر . بناء عليه بونلر كده نيم متمدن اقوامدن معدود اولملىرى ملاحظه اولنورسه مشروطيتله مناسبترى اولماسى شايدان شكراندر چونكه هنوز نصاب تكامله واصل اولماش اقوامه بونعت عظمى - سجع برطرف - حقيقۀ ناچسباندر .

